



## Summernacht.

Voohlig war die Summernacht  
Himmel schteht voll Scheescher  
Un de Vollmond blinkt un lacht  
Direktemah ins Heefche;  
U<sup>n</sup>gedullig scherrn die Geil  
Uffem Schtrooßkeplachder  
Un de Phillibb uffem Bock  
Raacht sei<sup>n</sup> alder Knaschder.

Vorwärts gehts jetzt uff de Schdrooß  
Langsam un gemiedlich  
Un es leih die Weld um em  
Gar so schtill un friedlich.  
Sie un do vum e Geheffd  
Dhut e Rieht noch blinke  
Un dann duht ins Dämmerlicht  
Alles wirrer sinke.



Langsam kummen mer un bedugt  
An de Hädehemwel  
Aus 'm Dhälche vor uns schteiht  
Dicker weißer Nermel.  
An de Weidebisch am Bach  
Duhts wie Fahne wehe,  
Duht sich wie e grooßes Duch  
Iwer Alles lehe.

Nemmd de Phillibb uffem Bock  
Aus de Zäh" de Klowe,  
Guckt un horcht un saht dann: „Herr,  
Gehren ehr nix dome?  
's kummd uns e Maschin entgeh' —  
Willschde ruhe Brauner! —  
Grad als ob de Deiwel selbscht  
Kumme wold der Gauner.“

Ratsch! Kummds aah schon a"gesauft  
Drunner gehts un driwer,  
Siehshde, haschte mich gesieh,  
Isses aah vorwer;  
Häämlich bitt ich schon 'm Phillibb  
Ab de ledshde Zweiwel,



Dann geschdunk hat eich deß Ding  
Wie d' leibhaftig Deiwel.\*

Langsam kummen in de Drabb  
Wirrer unser Braune  
Doch die Poesie war futsch  
Un mei" guri Laune;  
Wochelang noch in de Na"s  
Biß eruff zum Gätwel  
Scheckt mer de Benzingeschtanf  
Dort vum Häädehewwel.

